

# STRAITÉIS I LEITH TEAGMHÁIL LEIS AN PHOBAL



## BORD PÓILÍNEACHTA THUAISCEART ÉIREANN

Tá an Bord Póilíneachta freagrach as maoirseacht a dhéanamh ar chúrsaí póilíneachta i dTuaisceart Éireann agus thar ceann an phobail ina iomláine iarraidimid ar an Ardchonstábla míniú a thabhairt ar an dóigh a bhfuil seirbhísí póilíneachta á seachadadh. Lena chois sin, táimid freagrach as socruithe a dhéanamh a chuideoidh leis an phobal comhoibriú leis na póilíní le coiriúlacht a chosc. Agus an dá ghné thábhachtacha sin dár gcuid oibre á bhforbairt againn, tá an Bord tiomanta do theagmháil a dhéanamh leis an phobal.

## TEAGMHÁIL A DHÉANAMH LEIS AN PHOBAL

Déanaimid teagmháil leis an phobal le glór a thabhairt do dhaoine áitiúla agus le seans a thabhairt do dhaoine baint a bheith acu le cinní a théann i bhfeidhm orthu, ar phobal s'acu agus ar a gcomharsanacht. Tá na nithe seo a leanas mar chroílár na teagmhála leis an phobal: forbairt caidreamh, cumarsáid oscailte agus shoiléir, líonrú, éisteacht agus tuiscint níos fearr ar na daoine agus ar na háiteanna éagsúla atá mar pháirt dár sochaí.

Tá Straitéis i leith Teagmháil leis an Phobal forbartha ag an Bhord Phóilíneachta, rud a léiríonn an dóigh a bhfuil sochaí Thuaisceart Éireann ag athrú. Tá sé mar aidhm ag an straitéis go sainaitheofar riachtanais an phobail ina iomláine nuair a bhíonn spriocanna á leagan síos agus nuair a bhíonn polasaí póilíneachta á fhorbairt.

Tá **Ár bhFís** i dtaca le Teagmháil leis an Phobal mar seo a leanas:

*“Tacaíocht a thabhairt do gach pobal i dTuaisceart Éireann agus iad a chumasú ionas go dtig leo páirt a ghlacadh i múnú na seirbhíse póilíneachta, seirbhís a úsáideann siad agus, sa dóigh sin, cuidiú le coiriúlacht a laghdú, cur le muinín an phobail sa tseirbhís póilíneachta agus feabhas a chur ar an chaighdeán mhaireachtála”*

## TÁIMID TIOMANTA DO NA NITHE SEO A LEANAS

Agus an Straitéis á forbairt againn, chuamar i gcomhairle le réimse leathan grúpaí agus daoine aonair. Tá cuid de na freagairtí aibhsithe i gcló iodálach thíos.

Leagann Straitéis úr s’againne amach ár dtiomantas duit. Geallaimid go ndéanfaimid na bearta seo a leanas:

### • Faisnéis a roinnt

Cinnteoimid go mbeidh rochtain agat ar fhaisnéis atá beacht, ábhartha, cuí, furasta a fháil agus sothuigthe ionas go mbeidh tú níos eolaí ar chúrsaí póilíneachta agus ar ról an Bhoird Phóilíneachta.

### • Teagmháil a dhéanamh leat

Déanfaimid teagmháil leat trí réimse suirbhéanna agus trí thionscadail taighde le tuairimí s’agatsa a iarraidh agus a fháil ar shaincheisteanna a théann i bhfeidhm ar an phobal go díreach nó i dtaca le saincheisteanna a d’fhéadfadh bheith ina ndíol spéise. Cuirfimid aiseolas ar fáil i dtaca leis an dóigh ar chuir ionchur s’agatsa leis an toradh dheiridh.

### • Comhoibriú agus comhpháirteachas

Oibreimid go díreach leat lena chinntiú go gcloisfear glór do phobail agus go sainaitheofar saincheisteanna atá ina n-ábhar imní agus go dtabharfar aghaidh orthu. Oibreimid le comhoibriú do phobail a ghnóthachan chun oibriú leis na póilíní le coiriúlacht a chosc agus spreagfaimid na póilíní le teagmháil a dhéanamh leis an phobal. Mar pháirt de sin forbróimid caidrimh a chuirfidh ar chumas an Bhoird agus an phobail páirt a ghlacadh i raon plé a rianú agus in idirphlé suntasach. Tabharfaimid aghaidh ar shaincheisteanna ar bhealach a mhúscloídh feasacht an phobail agus a fheabhsóidh muinín an phobail in obair na bpóilíní.

Oibreoidh an Bord leis na Comhpháirtíochtaí Póilíneachta Ceantair (CPC) le freagairtí cuí a fhorbairt le teagmháil a dhéanamh le pobail áitiúla agus le haghaidh a thabhairt ar shaincheisteanna ag leibhéal áitiúil. Ag leibhéal straitéiseach, oibreimid leis na pobail éagsúla atá mar pháirt dár sochaí lena chinntiú go n-éistfidh an Bord leo agus go ndéanfaidh sé breithniú ar na saincheisteanna a ardóidh siad.

I láthair na huaire bíonn an Bord ag plé go gníomhach leis na pobail seo a leanas:

- Mionlaigh Eitneacha agus Pobail Teanga
- Daoine Scothaosta
- Leispiach, Aerach, Déghnéasach agus Trasinscneach (LADT)

- Daoine faoi mhíchumas
- Mná
- Daoine óga

Tá an Bord tiomanta dá chaidreamh a fheabhsú leis na pobail úd a déarfadh gur Poblachtaigh nó Dílseoirí iad agus féachfaimid le struchtúir a fhorbairt ionas go gcloisfear glórtha na bpobal sin ar bhealach atá fóirsteanach dóibh.

## RATH

Dar linn go mbeidh rath ar an straitéis seo má:

- fheabhsaíonn sé na modhanna trínar féidir le pobail tionchar a bheith acu ar thosaíochtaí póilíneachta;
- fheabhsaíonn sé an caidreamh idir an pobal agus na póilíní;
- fheabhsaíonn sé an dóigh a n-iarrann an Bord ar an Ardchonstábla míniú a thabhairt ar chúrsaí póilíneachta;
- fheabhsaíonn sé feidhmíocht na bpóilíní agus muinín an phobail i gcúrsaí póilíneachta;
- mhéadaíonn sé an t-eolas atá ag daoine ar obair an Bhoird.

Foilseoimid Plean Oibre gach bliain a thabharfaidh mionsonraí ar cad a dhéanfaimid agus áireoidh sé sin sainchuspóirí a bheas inmheasta.

Tá níos mó eolais faoinár Straitéis i leith Teagmháil leis an Phobal le fáil ar ár láithreán Gréasáin ag **[www.nipolicingboard.org.uk](http://www.nipolicingboard.org.uk)**

Freagairt an Phobail ar an Straitéis

*“Fáiltimid roimh fhorbairt na nGrúpaí Tagartha agus mothaímid gur bealach iontach éifeachtach iad le teagmháil a dhéanamh le réimse leathán pobal.”*

Freagairt an Phobail ar an Straitéis

*“Tacaímid leis an chur chuige ó bhonn aníos atá á fhorbairt ag an Bhord i dtaca le teagmháil leis an phobal.”*

Freagairt an Phobail ar an Straitéis

*“Creidimid nach bhfuil an creat cuí ar an teist is tábhachtaí don straitéis seo ach an tiomantas a thugann an Bord don obair i ndáiríre.”*

Freagairt an Phobail ar an Straitéis

*“Tá acmhainneacht ag an straitéis seo cur le dea-chaidrimh. Mar sin féin, b’fhéidir go bhfuil bealaí ann le hí a fhorbairt níos mó lena chinntiú go ndéanfar teagmháil leis an phobal ar bhonn níos leithne.”*

Tá níos mó eolais faoi ról agus faoi obair Bhord Póilíneachta Thuaisceart Éireann le fáil ar ár láithreán Gréasáin ag [www.nipolicingboard.org.uk](http://www.nipolicingboard.org.uk)

### TEAGMHÁIL

Más mian leat níos mó eolais a fháil faoin Bhord nó más rud é gur mhaith leat saincheist a chur faoi bhráid an Bhoird, tá roinnt bealaí trínar féidir leat teagmháil a dhéanamh linn:

Tig leat scríobh chugainn ag:

**Bord Póilíneachta Thuaisceart Éireann**  
**Túr Thaobh an Uisce**  
**31 Bóthar Clarendon**  
**Duga Clarendon**  
**Béal Feirste BT1 3BG**

Tig leat teagmháil a dhéanamh linn ar an ghuthán ar: **028 9040 8500**

Má théann tú i dteagmháil linn ar an ghuthán, tabhair do d'aire le do thoil nach bhfuil foireann s'againne ilteangach agus ní bheidh siad ábalta freagra a thabhairt ar scairteanna i dteangacha eile seachas Béarla. Mar sin féin, bheimis breá sásta litir, facs nó ríomhphost a fháil uait. Más rud é go mbeidh sé sin scríofa i dteanga eile seachas Béarla gheobhaimid aistriúchán air sin agus tabharfaimid freagra duit.

Tig leat teachtaireacht facs a chur chugainn ar: **028 9040 8544**

Tig leat teachtaireacht ríomh-phoist a chur chugainn ar: [information@nipolicingboard.org.uk](mailto:information@nipolicingboard.org.uk)

Tig leat téacs a chur chugainn ag an seoladh seo a leanas: **028 9040 7668**

